



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA**

- Komisija za vanjsku i trgovinsku politiku –

Broj: 02/2-011-1840-2/03

Sarajevo, 29. 12. 2003. godine

**Z A P I S N I K**  
**sa 13. sjednice Komisije za vanjsku i trgovinsku politiku**  
**Doma naroda Parlamentarne skupštine BiH**  
**održane 29. 12. 2003. godine**

Trinaestu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvao je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Anto Spajić, Vinko Radovanović, Osman Brka, Velimir Jukić i Nade Radović, te Vedran Hadžović, sekretar Zajedničke službe i Nevenka Savić, sekretar Komisije.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio slijedeći

**DNEVNI RED**

1. Usvajanje zapisnika sa 12. sjednice Komisije;
2. Izvještaj o radu Komisije za vanjsku i trgovinsku politiku za period 17. juni - 27. novembar 2003. godine;
3. Godišnji izvještaj o radu Komisije za 2003. godinu;
4. Izvještaj o aktivnostima Komisije prema drugim organima i tijelima u Parlamentarnoj skupštini BiH, bh institucijama i ostalim:
  - (a) Formiranje grupa za prijateljstvo sa drugim zemljama;

- (b) Razrješenje statusa sekretara domova i sekretara Zajedničke službe Sekretarijata PS BiH;
- (c) Funkcioniranje Vijeća ministara BiH i njegovih ministarstava;
- (d) Vizni režim;
- (e) Stanje i kadrovska popunjenost u Ministarstvu vanjskih poslova BiH i DKP mreži;
- (f) Aktivnosti na potpisivanju međunarodnih ugovora i carinska politika sa mogućnošću uključivanja PS BiH u neke od aktivnosti;
- (g) Unapređenje rada INDOK službe PS BiH;
- (h) Posjete Komisije za vanjske poslove Predstavničkog doma drugim državama;
- (i) Mogućnosti bh privrede, tzv. "Privredna karta".

#### 5. Tekuća pitanja.

Dnevni red je jednoglasno usvojen.

#### **Ad. 1. Usvajanje zapisnika sa 12. sjednice Komisije**

Zapisnik sa 12. sjednice Komisije je jednoglasno usvojen.

#### **Ad. 2. Izvještaj o radu Komisije za vanjsku i trgovinsku politiku za period 17. juni - 27. novembar 2003. godine**

U diskusiji povodom ove tačke Dnevnog reda učestvovali su članovi Komisije: Velimir Jukić, Vinko Radovanović, Hasan Čengić i Nade Radović. U diskusiji je konstatirano da ni jednoj sjednici Komisije nije prisustvovao ministar, a vrlo često se dešavalo da predstavnik predlagača uopće ne prisustvuje sjednici Komisije, iako se raspravlja o materijalu iz njegove nadležnosti, a o čemu je uredno obavješten.

Da bi se promijenila praksa nedopustivo slabog prisustva predstavnika predlagača na sjednicama domova i komisija PS BiH, Komisija je jednoglasno donijela zaključke:

- Da predloži Kolegiju Doma naroda da, saglasno svojim nadležnostima, a u saradnji sa Kolegijem Predstavničkog doma, pokuša promijeniti dosadašnju praksu;
- Da u narednoj godini organizuje tematske sjednice o važnim pitanjima iz svoje nadležnosti na koje će pozvati ministre lično, pri čemu će prethodno usaglasiti termin održavanja sjednice.

Nakon toga Izvještaj o radu je jednoglasno usvojen i upućen Domu naroda na razmatranje.

#### **Ad. 3. Godišnji izvještaj o radu Komisije za 2003. godinu**

U predloženi tekst Godišnjeg izvještaja o radu Komisije treba dodati rečenicu da sastavni dio Izvještaja čine periodični izvještaji: Izvještaj o radu Komisije za period 13. februar do 13. maj 2003. godine (02/2-011-881-2/03) i Izvještaj o radu Komisije za period 17. juni do 27. novembar 2003. godine (02/2-011-1640-10/03).

Komisija je jednoglasno usvojila Godišnji izvještaj i odlučila da ga uputi Kolegiju Doma naroda na uvid.

#### **Ad. 4. Izvještaj o aktivnostima Komisije prema drugim organima i tijelima u Parlamentarnoj skupštini BiH, bh institucijama i ostalim**

##### **(a) Formiranje grupa za prijateljstvo sa drugim zemljama**

Komisija je jednoglasno odlučila da se predloži Kolegiju Doma naroda da se ovo pitanje uvrsti u Plan rada za 2004. godinu.

##### **(b) Razrješenje statusa sekretara domova i sekretara Zajedničke službe Sekretarijata PS BiH**

Komisija je jednoglasno odlučila da se predloži Kolegiju Doma naroda da se ovo pitanje razrješi u saradnji sa Kolegijem Predstavničkog doma početkom 2004. godine.

##### **(c) Funkcioniranje Vijeća ministara BiH i njegovih ministarstava**

Komisija je jednoglasno odlučila da se ovo pitanje uvrsti u Plan rada Komisije za 2004. godinu.

##### **(d) Vizni režim**

Komisija je jednoglasno odlučila da se ostvarivanje povoljnijeg viznog režima za naše građane uvrsti u Plan rada Komisije za 2004. godinu.

##### **(e) Stanje i kadrovska popunjenost u Ministarstvu vanjskih poslova BiH i DKP mreži**

Komisija je jednoglasno odlučila da se ovo pitanje uvrsti u Plan rada Komisije za 2004. godinu.

##### **(f) Aktivnosti na potpisivanju međunarodnih ugovora i carinska politika sa mogućnošću uključivanja PS BiH u neke od aktivnosti**

Komisija je jednoglasno odlučila da se zakaže tematska sjednica o carinskoj politici BiH u naredoj godini.

##### **(g) Unapređenje rada INDOK službe PS BiH**

Komisija je jednoglasno odlučila da se predloži Kolegiju Doma naroda da se ovo pitanje uvrsti u Plan rada za 2004. godinu.

**(h) Posjete Komisije za vanjske poslove Predstavničkog doma drugim državama**

Komisija je jednoglasno odlučila da se predloži Kolegiju Doma naroda da se i ovo pitanje, obzirom da na njega nije stigao odgovor, prenese u narednu godinu.

**(i) Mogućnosti bh privrede, tzv. "Privredna karta"**

Komisija je jednoglasno donijela odluku da se u narednoj godini organizuje tematska sjednica o privrednim aktivnostima Bosne i Hercegovine sa naglaskom na povećanje izvoza i unapređenje stranih ulaganja uz učešće predstavnika Privredne komore BiH, Agencije za unapređenje stranih ulaganja i entitetskih vlada.

**Ad. 5. Tekuća pitanja**

Članovima Komisije distribuirana su dva materijala:

- Dopis Kolegija Doma naroda br. 02-021-1802/03 od 16. 12. 2003. godine, kojim se pozivaju da dostave prijedloge i mišljenja za Program rada Doma naroda za 2004. godinu;
- Materijal Transparency International-a koji se odnosi na korupciju u Bosni i Hercegovini.

Predsjedavajući Komisije

Hasan Čengić